



Broj/Број: 01/2а-50-1-2-26/08  
Sarajevo/Сарајево, 14.5.2008.

## **ZAPISNIK**

### **26. sjednice Komisije za vanjske poslove Predstavničkog doma Parlamentarne skupštine Bosne i Hercegovine, održane 14.5.2008.**

Sjednica je počela u 9 sati i prisustvovali su joj svi članovi Komisije: Slavko Matić, Milica Marković, Husein Nanić, Sadik Ahmetović, Sefer Halilović, Denis Bećirović, Azra Alajbegović, Azra Hadžiahmetović i Milorad Živković. Osim članova i privremenog sekretara Komisije, sjednici su prisustvovali i predstavnici resornih ministarstava. Na početku, predsjedavajući je pozdravio prisutne, izražavajući zahvalnost zbog njihovog prisustva, i otvorio raspravu o dnevnom redu.

Za sjednicu je usvojen sljedeći

## **DNEVNI RED**

1. Usvajanje Zapisnika 25. sjednice Komisije;
2. Usvajanje Zapisnika zajedničke sjednice Komisije za vanjsku i trgovinsku politiku, carine, saobraćaj i komunikacije Doma naroda i Komisije za vanjske poslove Predstavničkog doma Parlamentarne skupštine BiH, održane 22.4.2008.;
3. Davanje saglasnosti za ratifikaciju Strazburškog sporazuma o međunarodnoj klasifikaciji patenata, zaključenog 24. marta 1971., a izmijenjenog 28. septembra 1979. (resorno ministarstvo: Ministarstvo vanjske trgovine i ekonomskih odnosa BiH);
4. Davanje saglasnosti za ratifikaciju Konvencije o zaštiti nematerijalne kulturne baštine (UNESCO) – Pariz, 17. oktobra 2003., (resorno ministarstvo: Ministarstvo civilnih poslova BiH);
5. Davanje saglasnosti za ratifikaciju Evropske konvencije o nezastarijevanju zločina protiv čovječnosti i ratnih zločina – Strazbur, 25. januar 1974. (resorno ministarstvo: Ministarstvo pravde BiH);
6. Usvajanje informacije o susretu Komisije za vanjske poslove Predstavničkog doma Parlamentarne skupštine BiH s delegacijom Komisije za vanjske poslove Parlamenta Švicarske, održanom 6. maja 2008.;
7. Razmatranje informacije o sastanku Vijeća EU za opće poslove i vanjske odnose, 28. i 29.4.2008. u Luksemburgu.

### **Ad. 1. Usvajanje Zapisnika 25. sjednice Komisije**

Zapisnik je usvojen jednoglasno, bez primjedbi.

**Ad. 2. Usvajanje Zapisnika zajedničke sjednice Komisije za vanjsku i trgovinsku politiku, carine, saobraćaj i komunikacije Doma naroda i Komisije za vanjske poslove Predstavničkog doma Parlamentarne skupštine BiH, održane 22.4.2008.**

Zapisnik zajedničke sjednice je, bez primjedbi i rasprave, usvojen jednoglasno.

**Ad. 3. Davanje saglasnosti za ratifikaciju Strazburškog sporazuma o međunarodnoj klasifikaciji патената, zaključenog 24. marta 1971., a izmijenjenog 28. septembra 1979.**

Predsjedavajući Komisije Slavko Matić predložio je da Radomir Bogdanović iz Ministarstva vanjskih poslova BiH obrazloži proceduru pripreme sva tri sporazuma koja su na dnevnom redu da bi se dobile što detaljnije informacije, te valjano i opravdano dala saglasnost za ratifikaciju. Radomir Bogdanović kratko je obrazložio proceduru pripreme sva tri sporazuma, te predložio članovima Komisije da daju pozitivno mišljenje za njihovu ratifikaciju.

Potom je Lidija Vignjević iz Instituta za intelektualno vlasništvo BiH dala detaljno objašnjenje o ovom sporazumu. Nakon toga, predsjedavajući Komisije predložio je da se da pozitivno mišljenje za ratifikaciju Strazburškog sporazuma o međunarodnoj klasifikaciji патената, te je ona jednoglasno i data.

**Ad. 4. Davanje saglasnosti za ratifikaciju Konvencije o zaštiti nematerijalne kulturne baštine (UNESCO) – Pariz, 17. oktobra 2003.**

Obrazloženje o ovom sporazumu dala je predstavnica resornog ministarstva Biljana Čamur, nakon čega je saglasnost data jednoglasno.

**Ad. 5. Davanje saglasnosti za ratifikaciju Evropske konvencije o nezastarijevanju zločina protiv čovječnosti i ratnih zločina – Strazbur, 25. januar 1974.**

Iako je Komisija dobila potvrdu o dolasku Helene Tavre, predstavnice resornog ministarstva, to se nije dogodilo, te članovi Komisije nisu imali priliku čuti obrazloženje o ovom sporazumu. Radomir Bogdanović iz Ministarstva vanjskih poslova BiH dao je obrazloženje o Evropskoj konvenciji, navodeći da je prošla svu potrebnu proceduru. Nakon kratke rasprave, članovi Komisije saglasili su se da pošalju prigovor Ministarstvu pravde BiH zbog nastale situacije, ali da, bez obzira na to, otvore raspravu o ovoj tački dnevnog reda, jer je ona već na dnevnom redu Predstavničkog doma PSBiH. Saglasnost za ratifikaciju Evropske konvencije data je jednoglasno.

**Ad. 6. Usvajanje informacije o susretu Komisije za vanjske poslove Predstavničkog doma Parlamentarne skupštine BiH s delegacijom Komisije za vanjske poslove Parlamenta Švicarske, održanom 6. maj 2008.**

Predsjedavajući je govorio o uspješnom susretu dvije komisije, navodeći da je Komisija za vanjske poslove PSBiH dobila poziv za uzvratnu posjetu, ali da još nije utvrđen tačan datum odlaska, te da bi se o tome trebalo raspravljati na nekoj od narednih sjednica.

**Ad. 7. Razmatranje informacije o sastanku Vijeća EU za opće poslove i vanjske odnose, 28. i 29.4.2008. u Luksemburgu**

Edin Šehić iz Ministarstva vanjskih poslova BiH dao je obrazloženje ove informacije, nakon čega je jednoglasno usvojen zaključak da je ona primljena k znanju.

Sjednica je završena u 9,30 sati.

PRIVREMENI SEKRETAR

Davorin Semenik

PREDSJEDAVAJUĆI

Slavko Matić